

Niuernermik inatsisip nutarteriffigineqarnissaa imaluunniit suliassa qarfiup tamatuma nunatsinnut nuunneqarsinnaanera siunertaralugu Naalakkersuisut qallunaat naalagaaffiannut saaffiginninnissaannik peqquneqarnissaat pillugu Inatsisartut aalajangiiffigisassaattut siunnersuut, taamaalilluni Kalaallit Nunaat immikkoortumut tamatumunnga maleruagassanik nammineerluni aalajangersaasinnaalersillugu.
(Inatsisartunut ilaasortaq Naaja Nathanielsen, Inuit Ataqatigiit)

Akissuteqaat

(Inuusutissarsiornermut Aatsitassa qarnermullu Naalakkersuisoq)

Suliap aappassaaneer neqarnera

Suliap siullermeer neqarnerata aappassaaneer neqarneratalu niuernermik inatsisip nunatsinnut nuunneqarnerani iluaqutissartat ajoqutaasinnaasullu, Naalakkersuisut sukumiisumik misissuiffigisimavaat.

Namminersorlutik Oqartussat inatsisaanni aalajangersakkat naapertorlugit immikkoortup tamatuma Kalaallit Nunaannut nuunneqarnissaa periarfissaqarsinnaavoq taamaalillunilu aamma inatsisiliuunneqarluni, kalaallit innuttaasut immikkut pisariaqartitaat eqqarsaatigalugit.

Taamaattorli niuernermik inatsisip inatsillu taannaannaatillugu nunatsinnut nuunneqarnissaa ajornartorsiutitaqarsinnaavoq, manna eqqarsaatigalugu tassalu inatsit tassaammat pigisanut inatsiseqartitsinermut tunngasup imaqqortujaarsuup ataqatigiissagaaqqissaartup ilarisaa. Taamaalilluni niuernermik inatsit nuunneqarpat, assersuutigalugulu isumaqatigiissusiornermut inatsit, taarsigassarsisarnermut inatsit, atuisartut pillugit inatsit, sillimmasiisarnermut inatsit, tunisassiornermi akisussaarnermut inatsit taarsiissuteqartarnermilu akisusaatitsinermut inatsisip pinnagit, arlaatigut pinerliortoqakulasarsinnaavoq. Inatsiseqartitsinikkut aaqqiangiinningsutit, pinngitsoortinniassagaanni, taava suliassa qarfiup tamatuma ataatsikkut tamakkerluni nuunneqarnissaa pisariaqassaaq. Nuussinnarlugu ataavartumik inatsisip taakkua nutarterneqarnissaat nukippassuarnik pisariaqartitsissaaq, maannakkut sulisoqartinneqarneranit annertunerujussuarnik.

Tamanna tunngavigalugu Naalakkersuisut inassuteqaatigaat, qallunaat naalagaaffiat saaffigineqassasoq, niuernermut inatsisip peqqussusiornikkut naleqqussarneqarnissaa siunertaralugu. Suliap siullermeer neqarnerani akissuteqaammi takuneqarsinnaasutuut pigisanik inatsiseqartitsinermut tunngasup ilaanik annikitsualunnik peqqussusiortoqarpoq, tassunga ilanngullugu niuernermut inatsimmeersunik, Naalagaaffiup Sinniisoqarfiata suliaralugit naammassiligaanik. Peqqussusiat taakkua suliarineqarlutik naammassippata, tusarniutigineqassapput.

Peqqussusiap saqqummiunneqarneranut atatillugu niuernermit inatsisip tassunga ilanngullugu atuisartunut isumannaatsuutitsinissap aalangiiffigisassatut saqqummiunneqarnerani oqallilluartoqarnissaa Naalakkersuisut qilanaaraat.